

ՔԱՂԱՔԱԿԱՆ ՏԵՍՈՒԹԻՒՆ

Մի իրողութիւն, որը վերին աստիճանի բնորոշում է անցած 1890 թւականը, այդ շատ ղեկավար անձերի հեռանալն է իրանց բարձր պաշտօններից: Գերմանական կանցլեր Բիսմարկի հրաժարականը, Ունգարական մինիստր-նախագահ Տիսսացի հրաժարականը, գերմանական պալատական պատուր և հակա-հրէականութեան շարժման պարագլուխ Նոեօկերի հեռացնելը, Մոլոկէի յաջւիդ կոմս Վալդեր-գէէ'ի հեռացնելը գերմանական գլխաւոր շտաբի կառավարութիւնից, իտալական մինիստր նախագահ Կրիսպիի հրաժարականը ներկայ թւականի յունւար ամսին, — ահա հեռացած և շատ կարեւոր անձերի այդ շարքը:

Մի ուրիշ իրողութիւն, որը առանց կապի չէ այդ առաջին իրողութեան հետ՝ այդ այն կենդրոնական դիրքն է, որ բռնեց եւրոպական ներքին թէ արտաքին քաղաքականութեան մէջ Գերմանիայի երիտասարդ կայսր Վիլհելմ II-ը: Բանւոր դասակարգին վերաբերեալ խնդիրները քննելու համար Բերլինում զուամարած կոնգրեսը, կազմած Արեւմտեան Եւրոպայի պետութիւնների ներկայացուցիչներից, ապա նոյն քաղաքում զուամարեւած գերմանական դպրոցական կոնֆերենցիան, — մի-մի նշանաբաններ էին, որոնցից ազդեց ամբողջ լուսաւոր աշխարհը, և որոնց մէջ երիտասարդ կայսրը նախաձեռնողի և ղեկավարի դեր կատարեց: Նոյն իսկ Աֆրիկայի բաժանումը եւրոպական տէրութիւնների մէջ, մի անգթ, որ ահագին պատմական — քաղաքական և կուլտուրական նշանակութիւն ունի, — սկսեց Գերմանիայի և Անգլիայի մէջ կայացրած առանձին դաշնակցութիւնով, որի օրինակին հետեւեցին միւս եւրոպական տէրութիւնները:

Բանւորական խնդրի վերաբերեալ կայացրած կոնգրեսը արա-

գացրեց բանւորներին վերաբերեալ օրէնսդրութիւնը թէ Գերմանիայում և թէ Արևմտեան Եւրոպայի այլ երկիրներում: Իսկ այդ օրէնսդրութեան գլխաւոր առարկաններն են՝ անշափահաս բանւորներին և կին բանւորներին օրէնքի պաշտպանութեան ներքոյ առնել, չափահասների համար ստեղծել այլ և այլ մշտական գանձարաններ նոցա և ընտանիքները այլ և այլ դժբաղդ պատահարներից ապահովելու համար, ծերութեան ժամանակ պենսիաներ տալու համար և վերջապէս, եթէ կարելի է՝ չը թոյլ տալ որ բանւորները որոշ ժամերից աւելի աշխատեն և որ շաբաթը գոնէ մի օր հանգստութիւն որւի նրանց: Բացի օրւայ ժամերի խնդրից՝ բոլոր միացեալ ինքիրները իրանց լուծումը ստանում են այժմ՝ շատ թէ քիչ բաւարար կերպով, ժամանակի ամենաաղաղակող պահանջներին բաւարարութիւն տալու չափով:

Կապակցութեամբ այն երկու իրողութիւնների հետ, որ վերը յիշատակեցինք, պէտք է վկայել և այս երրորդ իրողութիւնը, որ 1890 թւականին Եւրոպայում տիրեց մի այնպիսի խաղաղ տրամադրութիւն, որպիսին չէր եղած շատ տարիներ առաջ: Ընդհարումներ պետութիւնների իրար մէջ չեղան, պատերազմի մասին ոչ մի անգամ լրջօրէն խօսակցութիւն չեղաւ և ոչ էլ առիթներ տրւեցին այդպիսի խօսակցութիւնների: Այդ հանգամանքը պէտք է վերագրել գլխաւորապէս նրան, որ այն մարմինը, որ քանի տարիներից ի վեր Եւրոպայում ամենամեծ պատերազմական ոյժն է կազմում—եռապետական դաշնակցութիւնը Գերմանիայի ղեկավարութեամբ—հետեւեց խաղաղ քաղաքականութեան. իսկ այս վերջինը կապ ունէր այն ձեռնարկութիւնների հետ, որ եղան Գերմանիայում և որոնց յաջողութիւնը կարելի էր ապահովել միմիայն հետեւելով խաղաղ արտաքին քաղաքականութեան: Խաղաղութեան անխախտ պահպանելը մինչև անգամ մի անձնական խնդիր էր Գերմանիայի կայսեր համար, որը առաջին տարին էր կառավարում առանց իշխան Բիսմարկի, այսինքն առանց այն պետական անձի, որի ազդեցութեանն էր վերագրում վերջին քսան տարիների խաղաղութիւնը պահպանելու յաջողութիւնը: Բայց չը պէտք է մոռանալ և այս, որ խաղաղութիւնը սպահպանելու յաջողութիւնը Գերմանիայի համար զիւրացմած է նրանով, որ ամենահզօր դաշնակցութեան ղեկավար ան-

դամ լինելով՝ նա այժմ բոլորովին ապահով է արտաքին յարձակումներից. իսկ այդ դաշնակցութեան ստեղծողը նոյն Բիսմարկն է, որը ստեղծեց և Գերմանիայի միութիւնը:

Բնական է այդ պատճառով, որ նաև իշխան Բիսմարկի հեռանալուց յետ, Վիլհելմ II կայսրը բնաւ չը մտածեց այդ դաշնակցութիւնը լուծել, թէև այդ դաշնակցութիւնը այս վերջին տարին որ և է նոր ոյժ չը ստացաւ: Այդ դաշնակցութեան ամրութիւնը ապացուցեց նաև նորերումն կաարւած անցքերով Խալիպում, ուր, չը նայելով որ ցայժմեայ մինիստր-նախագահ Կրիսպին հեռացաւ իւր պաշտօնից, այնու ամենայնիւ նորա յաջորդ ղի-Ռուդինի հարկ համարեց արտայայտել, որ Խալիպի դաշնակցութիւնը Գերմանիայի և Աւստրիա-Ունգարիայի հետ կը շարունակի հիմք ծառայել Խալիպի արտաքին քաղաքականութեան:

Կրիսպիի հեռանալը իտալական արտաքին քաղաքանութեան ասպարիզից, սակայն, երևի անհետեանք չի անցնելու: Պէտք է նկատած, որ այն երեք տէրութիւններից, որոնք կազմում են եռապետական դաշնակցութիւնը, Խալիան ամենից շուտով կարող է հեռանալ, շնորհիւ այն ահագին կապերի, որ ունի այդ երկիրը Պրանսիայի հետ: Իսկ այն կուարար դիրքը որ օտեղծել էր Կրիսպին Խալիայի համար՝ Պրանսիայի նկատմամբ, դարձրել էր Կրիսպիի մնալը իւր պաշտօնում նոյն իսկ վտանգաւոր: Խալիայի արտաքին առևտուրը մեծ մասամբ Պրանսիայի հետ է, այն Պրանսիայի՝ որը աւելի հեշտութեամբ կարող է տանել Խալիայի կողմից հասցրած ֆլասը, քան Խալիան՝ Պրանսիայի կողմից հասցրած ֆլասը: Կրիսպիի արտաքին քաղաքականութեան հետեանքն էր, որ անցեալ 1890 թւականին սկսեց այդ երկու հարեան տէրութիւնների մէջ մաքսային կռիւը, որից ամենաշատ ֆլասուողը եղաւ ի հարկէ Խալիան: Եւ հէնց այդ մաքսային կռիւ պատճառովն է, որ Խալիայի առևտուրը և թէ առհասարակ Ֆինանսները մեծապէս ֆլասուեցին և մեծ դեֆիցիտներ յառաջացրին, մի հանգամանք, որ մեծապէս նպաստեց Կրիսպիի յանկարծակի անկման: Կրիսպիի հեռանալը յոյս է տալիս որ Խալիան, շարունակելով անգամ մնալ եռապետական դաշնակցութեան մէջ, կ'աշխատի Պրանսիայի հետ իւր յարաբերութիւնները լաւացնել: Բայց և այնպէս չի կարելի չը շեշտել, որ

չը նայած իւր Ֆրանսիական զօրեղ հարեանին՝ Իտալիան մնում է եռապետական դաշնակցութեան մէջ՝ Գերմանիայի և Աւստրիա-Ունգարիայի հետ։ Այդ իրողութիւնից պէտք է անշուշտ եզրակացնել, որ, անցեալ տարիներին նման, նաև ներկայ 1891 թւականին եռապետական դաշնակցութիւնը մնալու է գերիշխող ոյժը Եւրոպայի արտաքին քաղաքականութեան սիստեմի մէջ։

Z.